

四部文圖

西安曲江文化產業投資集團支持

文懷沙主編

隋唐文明卷



(九十二)

陝西震旦漢唐研究院編纂
陝西人民出版社

四部文明

文懷沙主編

隋唐文明卷

九十二

陝西震旦漢唐研究院編纂
陝西人民出版社

隋唐文明

第九十二卷目錄

唐代詩文紀事叢編四

全唐文紀事一百二十二卷（二）（卷五五至一二二）

〔清〕陳鴻墀撰

三

唐代詩文紀事叢編

四



古今圖書集成
人事典
四

全唐文紀事卷五十五

原任翰林院編修 國史館纂修 實錄館提調 武英殿協修陳鴻樞纂

才藻

薛收爲天策府記室參軍太宗初授天策上將尚書令命收與虞世南並作第一讓表竟用收者太宗曾侍高祖遊後園池中獲一白魚命收爲獻表收援筆立疏不復停思時人推其二表贍而速冊府元龜

翠微宮成詣闕獻頌太宗召見試作息兵詔草俄頃而就太宗甚悅因謂之曰昔禰衡潘岳皆恃才傲物以至

全唐文紀事卷五十五

非命汝才不減二賢宜追鑒前軌以副吾所取也尋爲

崑山道行軍記室破盧明月平龜茲軍書露布皆昌齡

之文也唐書張昌齡傳

譔黃公工爲辭章孟利貞嘗稱其文曰劉鄴之周思茂

不過也新唐書高祖諸子傳

太宗後嘗持泰所上表謂近臣曰泰文辭美麗豈非才

士我中心念泰卿等所知但社稷之計斷割恩寵責其

居外者亦是兩相全也唐書濮王泰傳

蘇味道初爲表行儉征突厥管記孝敬皇帝妃父裴居

道再登左金吾將軍訪當時才子爲謝表乞於味道援

筆而成詞理清密盛傳於世冊府元龜

崔融字安成中宗在春宮爲侍讀兼侍屬文東朝表疏

多成融手冊府元龜

勃六歲解屬文構思無滯詞情英邁與兄勔勳才藻相

類父友杜易簡常稱之曰此王氏三珠樹也唐書王勃傳

王勃六歲善辭章麟德初劉道祥表其材對策高第父

福時左遷交趾令勃往省觀途過南昌時都督閻公新

修滕王閣成九月九日大會賓客將令其壻作記以誇

全唐文紀事卷五十五

盛事勃至入謁帥知其才因請爲之勃欣然對客操觚

頃刻而就文不加點滿座大驚酒酣辭別帥贈百緡勃

屬文綺麗請者甚多金帛盈積心織而衣筆耕而食唐才子傳

上元一年歲次乙亥十有一月庚午朔七日丙子子將

之交趾旅次南海有好事者以轉輪鈞枝八花鑑銘示

予云當今之才婦人作也觀其藻麗反覆文字縈迴句

讀曲屈韻調高雅有陳規起諷之意可以作鑑前烈輝

映將來者也昔孔詩十興不遺衛姜江篇擬古無隔班

媛蓋以超俊穎拔同符君子者矣嗚乎何勤非戒何述非才風律苟存士女何算聊撫鏡以長想遂援筆而作

敘王勃聲鑑 王子安集

回文類聚載唐婦人所作轉輪鈎枝八花鑑銘云花上八字枝間八字環旋讀之四字爲句遞相爲韻其盤屈糾結爲八枝者左旋讀之自篇字起至詞字止當就支脂字韻右旋讀之自詞字起至篇字止當就先仙字韻茲不具錄池北偶談

勃往交趾省父道出江中爲採蓮賦以見意其辭甚美

全唐文紀事 卷五十五

三

唐書王勃傳

杜甫大厯三年春白帝城放船出瞿塘峽將適江陵詩四十韻其末有云五雲高太甲六月控搏扶之句鮑欽正鄧睿思范元實及世行所謂王原叔注者諸家皆不詳五雲太甲之義予讀唐王勃文集有大唐九隴縣孔子廟堂銘序云帝車南指遁七曜於中階華蓋西臨載五雲於太甲雖使星辰蕩越三元之軌躅可尋雲雨沸騰六氣之經綸有序然則撫銅渾而觀變化則萬象之運不足多矣握瑤鏡而臨事業則方幾之湊不足大矣

云云然則五雲太甲之義蓋爲元象而言矣第未見其所出之書當俟博洽君子請問之惟酉陽雜俎云王勃每爲碑頌先磨墨數升引被覆面而卧忽起一筆書之人謂之腹藁燕公嘗讀夫子學堂碑自帝車至太甲四句悉不解訪之一公一公言北斗建午七曜在南方有是之祥無位聖人當出華蓋已下卒不可悉然則五雲太甲一公燕公不知之況餘人乎墨莊漫錄

出瞿唐峽詩五雲高太甲六月曠搏扶注不解五雲之義嘗觀王勃益州夫子廟碑云帝車南指遁七曜於中全唐文紀事 卷五十五

四

階華蓋西臨藏五雲於太甲酉陽雜俎謂燕公讀碑自帝車至太甲四句悉不解訪之一公一公言北斗建午七曜在南方有是之祥無位聖人當出華蓋以下卒不可悉愚謂老杜讀書破萬卷必自有所據或入蜀見此碑而用其語也晉天文志華蓋扛旁六星曰六甲分陰陽而配節候太甲恐是六甲一星之名然未有考證以一行之寔於星厯張燕公段柯古之殫見洽聞而猶未知焉姑闕疑以俟博識困學紀聞

三國典畧曰蕭明與王僧辯書凡諸部曲並使招攜赴

段戎行前後雲集霜戈雷戟無非武庫之兵龍甲犀渠
 皆是雲臺之仗唐王勃滕王閣序紫電青霜王將軍之
 武庫正用此事以十四歲之童子胸中萬卷千載之下
 宿儒猶不能知其出處豈非間世奇才杜子美韓退之
 極其推服良有以也使勃與韓杜並世對毫恐地上老
 驥不能追雲中俊鵠後生之指點流傳妄哉丹鉛總錄
 華無技曰子安詞賦如千錦飛光萬花騰焰篇篇結綠
 語語連珠胸無儉思腕有餘藻其於文章家信九天之
 霞府百川之谷王也天才橫恣浮音時亦間出要之少
 全唐文紀事 卷五十五 五

年肆筆何妨馳驟飛揚哉銀立文起

若蘭迴文錦詩圖云亦有英靈蘇蕙子只無悔過竇連
 波連波竇滔字也武后記云因述若蘭之多才復美連
 波之悔過山谷題跋

宮中出孟蘭盆分送佛寺則天御洛南門與百寮觀之
 炯獻孟蘭盆賦詞甚雅麗唐書楊炯傳

唐成敬奇有俊才天策中詣闕自陳請日試文章三十
 道則天乃命王勃試之授校書郎太平廣記

楊盈川顯慶五年待制宏文館時年方十一上元三年

制舉始補校書郎尤最深於宣夜之學故作老人星賦
 尤佳南部新書

中宗與修文館學士宴樂賦詩每命彥伯為文序文彩
 華縟夜宴安樂公主新第序云言容有典緝似幄之柔
 規湯沐增榮結風庭之藻渙又曰鳴璫節珮登繡軸之
 珣軒花綬香纓帶澤壺之青瑣此言駙馬送鄭惟忠序云卷
 蘆葉而橫吹聲愁隴月撫劍鐔而直視目斷吳洲唐詩紀事
 武后營大像於司馬坂以張廷珪諫止其疏全用浮圖
 金剛經義解析蓋因其所溺易於同曉亦足以見一時
 全唐文紀事 卷五十五 六

士大夫習尚也而新史削去豈以為非雅言耶習學記言
 神龍初東都起聖善寺報慈閣景先詣闕獻大像閣賦
 詞甚美麗唐書許景先傳

除太子舍人加崇賢館直學士與太子司議郎來濟俱
 以文翰見知時稱來李義府嘗獻承華箴太子表上其
 文優詔賜帛四十疋唐書李義府傳

梅妃姓江氏妃年九歲能誦二南父奇之名曰采蘋開
 元中高力士使閩粵見其少麗選歸侍明皇大見寵幸
 性喜梅上以其所好戲名曰梅妃妃有蕭蘭梨園梅花

鳳笛玻盃剪刀綺窗八賦會太真楊氏人侍寵愛日奪後竟爲楊氏遷於上陽東宮妃以千金壽高力士求詞人擬司馬相如爲長門賦欲邀上意力士方奉太真且畏其勢報曰無人解賦妃乃自作樓東賦太真聞之訴明皇曰江妃庸賤以度詞宣怨請賜死上默然唐書鄭梅妃傳牛肅長女曰應貞適宏農楊唐源少而聰穎經耳必誦年十三凡誦佛經二百餘卷儒書子史又數百餘卷親族驚異之著文章百餘首後遂學窮三教博涉多能年二十四而卒今採其文魍魎問影賦著於篇其序曰庚

全唐文紀事

卷五十五

七

辰歲子嬰沉痛之疾不起者十旬毀頓精神羸悴形體藥物救療有加無瘳感莊子有魍魎責影之義故假之爲賦庶解疾焉初應貞夢製書而食之每夢食數十卷則文體一變遂工爲賦頌文名曰遺芳太平廣記賓客諱無名字某河內溫人也伯仲叔季嗣世清德鴻藻振古休聲動時每至徵賢良舉秀才一門擅科半於天下旣冠進士擢第其年拔萃登科補益州新都尉開元十年舉文藻宏麗遂上陳皇王之盛下借周漢之論稽以洪範九疇天人之統災變之異高言體大久而可

驗如賈生之論漢也與孫逖同入第二等擢鄆縣尉字文融寵幸用事總領計簿地有不書登下之數者按而籍之乃明割利言辭義激切聞列於二府竟還其令忘已忤權風節獨立秩滿判入第三等自周隋已來選部率以書判取士海內之所稱服者二百年間數人而已又居其最焉時天寶改元符瑞紛委郡國所獻月有千計公卿稱賀日奏數章總裁實難濬發皆麗元宗每賞異因命女史傳寫時省覽焉常衮叔父故禮部員外郎墓誌銘年十五究經術首科昇第始擢汝州魯山主簿闕三卑

全唐文紀事

卷五十五

八

時論稱之無何詔徵俾

闕二

賢院大學士燕國公說文

之滄溟間代宗師嘗覽公應制喜雨賦及五色鵠賦兼

和御製等詩曰後進之英今知所在賞歎不足

闕一

爲

上聞賜帛出於中禁依聲播於樂府及京師失守翠輦

西巡成都築受養之宮靈武奉繼

闕一

之制傳召公詣

行在所拜中書舍人集賢殿學士時鑾輿未復鶴詔急

宣尤資倚馬之能多類奮鞭之速公虔恭法闕一咫尺

天顏握管風生落牋泉灑皆如響答特邁詞鋒上奇其

才張式東海徐公神道碑銘

予太和初從事浙西贊皇公幕中嘗因與曲宴中夜公語及國朝詞人優劣云世人言靈芝無根醴泉無源張曲江著詞也蓋取虞翻與弟求婚書徒以芝草爲靈芝耳予後偶得虞翻集果如公言開成初予職在集賢頗獲所未見書始覽王充論衡自云充細族孤門或嘲之答曰鳥無世鳳凰獸無種麒麟人無祖聖賢必當因祖有以効賢號則甘泉有故源而嘉禾有舊根也西陽雜俎劍閣賦也其前有上則及旁則等語是摯斂上林兩都鋪敘體格而裁入小賦所謂天吳與紫鳳顛倒在短

全唐文紀事

卷五十五

九

揭者歟故雖以小賦亦自浩蕩而不傷儉陋蓋太白才飄逸其爲詩也或離舊格而去之其賦亦然古賦辨體

明堂賦賦也實從司馬楊班諸人之賦來氣豪辭艷疑

若過之若論體格則不及遠甚蓋漢賦體未甚俳而此

篇與後篇大獵等賦則悅於時而俳甚矣晦翁云白有

逸才尤長於詩而其賦乃不及魏晉斯言信矣古賦辨體

文集二十卷其元綱三篇神仙可學論等爲識達之士

所稱筠在翰林時特承恩顧繇是爲羣僧之所嫉驃騎

高力士素奉佛嘗短筠於上前筠不悅乃求還山故所

著文賦深詆釋氏亦爲通人所譏然詞理宏通文彩煥發每製一篇人皆傳寫唐書道士吳筠傳

宮殿之賦論者以靈光爲宗然諸侯之遺事蓋務恢張

飛動而已自茲已降代有詞傑播於聲頌則無聞焉夫

先王建都營室必相地形詢卜筮考以農隙工以子來

虞人獻山林之幹太史占日月之吉雖班張左思角立

前代未能備也而曩之文士賦長笛洞簫懷握之細則

廣言山川之阻採伐之勤至於都邑宮室宏模廊度則

畧而不云其體病矣至若陰陽慘舒之變宜於壯麗棟

全唐文紀事

卷五十五

十

宇繩墨之間鄰於政教豈前修不逮將俟聖德而啟臣

心輒極思慮作含元殿賦陋百王之制度出羣子之胸

臆非敢厚自夸耀以希名譽欲使後之觀者知聖代有

頌德之臣焉含元殿賦序李遐叔文集

餘慶受詔撰惠昭太子哀冊其辭甚工唐書鄭餘慶傳

進士王惲才藻雅麗尤長體物著送君南浦賦爲詞人

所稱百陽雜俎

溫文體富艷有邱明班固之風所著凌烟閣功臣銘張

始興畫贊移博士書頗爲文士所賞有文集十卷唐書呂溫

傳

呂溫地志圖序云廣陵李該博達士也學無不通尤好地理乃裂素爲方儀據書而畫命之曰地志圖觀其粉散百川黛凝羣山元氣剖判成乎筆端

文苑英華

故宋若華我德宗孝文皇帝躬勤庶務寤寐以之乃命女子之知書可付信者省奏中宮而若華等伯姊季妹三英粲兮皆在選中參掌宥密班妃裂素之詠謝氏散鹽之章琤然玉音記在彤管先皇帝乙夜觀書之際亦嘗傳窈窕德象之篇於若華言念云忘禮宜加等特追

全唐文紀事卷五十五

士

封邑豈礙彝章可贈河南郡君

追封宋若華制

元氏長慶集

徐偃王碑昌黎韓愈撰徐放書碑故在集中以其文相校不失蓋碑近而傳者眾故得不誤愈於此碑序事淹該華實不似黃陵等碑錯雜無序駸駸上薄漢周不造其極則不止魏晉宋齊糠粃殆盡畧無餘習可謂至矣昔人嘗謂公於文渾然一出於已不蹈襲前人橫驚直肆恢奇衍溢今考其言曰徐不忍鬪其民北走彭城武原山下百姓隨而從之萬有餘家因號其山爲徐山此卽范氏漢書全用其語偃西王母事盡錄穆天子傳朱

弓赤矢采祥瑞志然則愈於文蓋亦未嘗不用前人語但使人不覺如已出也其曰故制樸角昔人嘗改爲桷淮南子曰堯樸角不斲素題不斲愈於書無不用也

徐碑王廣川書跋

張仲素字繪之元和中翰林學士作賦格三卷有迴文錦賦

賦鈔

讀書爲文章著漢後春秋二十餘萬言又著六經解圖又文集未就有謀畧尙氣節闕人之急出貨力猶棄批碑年二十以書干丞相丞相以聞試其文日萬言擢爲

全唐文紀事卷五十五

士

崇文館校書郎

凌君權

柳河東集

涯文有雅思承貞元和間訓誥溫麗多所稟定

新唐書王涯傳

侍父於蜀以畋獵自放文昌遣吏白其意諫止明日以雉兔徧遺幕府人爲書因所獲儼前世事無複用者眾大驚

新唐書段成式傳

段郎中成式博學精敏文章冠於一時爲廬陵頑民妄訴逾年方明其清白乃退隱於峴山時溫博士庭筠方謫尉隨縣廉帥徐太師商留爲從事與成式甚相善以其古學相遇常送墨一銚與飛卿往復致謝遞搜故事

者九函在禁集中

金華子雜編

段柯古博綜墳素著書倬越可喜嘗與張希復輩敖上都諸寺麗事爲令以段該悉內典請其獨徵皆事新對切令觀靖居碑亦畫上人以其博涉三學故諉錄寺讚也文傷太擁釀要爲不凡雖奇澀不至若樊紹述絳碑之甚然亦軋軋難句矣

跋段柯古靖居寺碑後

東觀餘論

段柯古漢上題襟集載溫飛卿錦鞋賦云

文多不錄

先是柯

古寄飛卿書云知君欲作閑情賦應願將身作錦鞋飛卿作此答之蓋聘才炫博而不知流於淫靡也元人有

全唐文紀事

卷五十五

三

書此賦者聊一錄之

丹鉛雜錄

唐季惟裴休成式以通釋典稱裴事莊嚴流行猶爲外事則悟佛心印者段一人而已今觀此所爲照公碑記問洵博然精微奧義何未數數然也豈專重在戒故於法禪二宗不無軒輊乎乃牟尼一人之身耳道何以三也倘段於所謂一者未能了耶碑稱顏氏子若戒可尚門則四勿爲一偏之語矣而法禪二物又將屬之誰乎段未免貪多識而不見如來已

星林快事

有文集一百卷行於時所撰憲宗冊文辭情典鬱爲文

士所重

唐書令狐楚傳

商隱能爲古文不喜偶對從事令狐楚慕楚能章奏遂以其道授商隱自是始爲今體章奏博學強記下筆不能自休尤善爲誄莫之辭與太原溫庭筠南郡段成式齊名時號三十六文思清麗庭筠過之

唐書李商隱傳

爲文瑰邁奇古辭難事隱及從楚學儷偶長短而繁縟過之每屬綴多檢閱書冊左右鱗次號獮祭魚而旨能感人謂其橫絕前後時溫庭筠段成式各以穠纖相夸號三十六體

李商隱唐才子傳

全唐文紀事

卷五十五

四

唐李商隱凡作文必聚書於左右檢視終日人謂之獮祭魚宋楊大年爲文用故事使子姪檢討出處用片紙錄之文成而後掇拾人謂之衲被

西軒客談

李商隱佐令狐楚授以章奏之學遂得名一時當時工章奏者如溫庭筠之徒相夸號三十六體蓋其爲文瑰邁奇古不可跂及觀其四六藁草方其刻意致思排比聲律筆畫雖真亦本非用意然字體妍媚意氣飛動亦可尚也

正書月賦行書四六本草宜和書譜

才情綺麗尤工律賦每試押官韻燭下未嘗起草但籠

袖凭几每一韻一吟而已場中曰温八吟又謂八叉手

成八韻名温八叉多爲鄰鋪假手大中末山北沈侍郎

主文特召庭筠試於簾下恐其潛救是日不樂過暮先

請出仍獻啟千餘言詢之已占授八人矣温庭唐才子傳

子傳

石林燕語曰唐王起對武宗曰起所不識者惟商角二

字按穆天子傳造父爲御商角爲右列子造父爲御商

角爲右則王起所不識者蓋指列子而言也然此字謬

舛相仍從來不一范攄雲溪友議作商角王元美集作

全唐文紀事

卷五十五

五

蔡門王應麟作商角音泰丙亦因淮南子鉗且泰丙之

御而意釋之屠緯真序文唐辨商齊止存王起則又本

友議而倒用之皆未能有畫一者據唐書本傳起嗜學

非寢食不輟廢天下之書無不讀一經目弗忘也帝嘗

以疑事令使者口質起具膀子附使者上凡成十篇號

曰寫宣今所言不識商角二字不見於本傳當是寫宣

中語也

管城碩記

范陽盧獻卿大中中舉進士詞藻爲同流所推作愍征

賦數千言時人以爲庾子山哀江南之亞今諫議大夫

司空圖爲注之本事詩

遷左拾遺公卿朝野託爲賤奏時譽日洽以其博奧目

爲柳篋子唐書柳

上士曾讀寶錄貞觀九年西域進獅子祕書監虞世南

獻賦前史美之竊謂虞公博物洽聞誠則可重瓌璋個

儻或非所長欲精體物乃賦其事牛上士獅賦序 文苑英華

華

一女歸薛蒙女工屬文續曹大家女訓行於世新唐書

謝廷浩閩人也大順中頗以辭賦著名與徐夔不相上

全唐文紀事

卷五十五

六

下時號錦繡堆摭言

林銖字智周幼而聰明秀異言發成文音調清舉年六

歲請舉童子試後復業詞賦頗振聲問有仙客入壺中

賦云仙客以變化隨形逍遙放情處於外則一壺斯在

入其中則萬象俱成飛閣重樓不是人間之壯奇花異

木無非物外之名至九歲謁盧大夫貞黎常侍殖無不

嘉獎年十七偶得疾而終閩川名士傳

龜蒙善爲賦絕妙人有收得賦林皆綴緝屬對差次比

擬凡數首有題而未就其用功如此吳郡志

黃滔字文江中州名士避地來閩若韓偓李洵數十輩

悉主於滔滔文贍蔚典則馬嵬館娃景陽水殿諸賦雄

新雋永稱一時絕調有集十五卷泉山秀句集三十卷

時金石誌銘及國中大著作多爲滔屬草

滔善律賦如明皇同駕經馬嵬賦云日慘風悲到玉顏之死處花愁霧泣認朱臉之啼痕哀雲萬疊斷腸新出於啼猿秦樹千層比翼不

如於飛鳥風調十國春秋不在徐寅之下

周繁池州青陽人也兄繇以詩篇中第繇工八韻有飛

卿之風

唐晉相李浣礪相之子也文學淵奧迥出輩流於時公

全唐文紀事 卷五十五 七

相之子弟無能及者應舉時文卷行明易先生書又有

答明易先生書朝士覽之不測涯涘卽其他文章可知

也然恃才躁進竟罹非禍爾後礪相追雪贈太子太師

諡曰文司空圖撰行狀浣贈禮部員外郎先是劉崇魯

舍人撰礪相麻因而貶黜浣以大彭一作彭先世因贓仰

藥撰鸚鵡杯賦

北夢瑣言謹案崇魯阻李礪事摭言已載並云作鸚鵡杯

賦以詆之此云礪子浣所作與摭言異

自琪李琪爲諫官憲職凡時政有所不便必封章論列文

章秀麗覽之者忘倦琪在內署時所爲制誥編爲十卷

目曰金門集

冊府元龜張翊文辭婉麗禾山大舜二妃廟碑廬陵紫陽觀碑新

興佛閣碑文皆翊所撰

陶晟饒州人少讀書業文翰林承旨陶公穀叔事之自

前延安軍司馬授華州行軍陶翰林爲序親書以送之

送從叔赴華下序畧曰聖上卽位之三年命前延安軍

司馬參戎間於華下綏舊俗也華甯秦之境遠皇猷者

五十有九年矣赤騎嘶風而可仰玉蟾耀彩以如晝潛

全唐文紀事 卷五十五 六

編佳作別俟知音攀琪樹而笑天風鼎遷周頌控文鯨

而飛赤水幅裂韓詩辭多不載

洛陽摘紳舊聞記馮涓舊唐名士雄才與學登進士第履歷已高王氏強

縻於幕中性耿概不屈恃才傲物甚不洽於僞蜀主後

朱梁遣使致書於蜀命諸從事章莊輩具草呈之皆不

愜意左右曰何妨命前察判爲之蜀主又有慚色梁使

將復命不獲已遂請復職更亟修回復涓一筆而就大

稱旨於是却復前歡

十國春秋拾遺章尤爲中宗所知凡誥勅碑記多命尤章屬草尤

章文思敏捷操筆立就由是聲名籍甚允章詩文甚富
乾和七年撰碧落洞天雲華御室記甚爲文士所稱十國

春秋

鍾有章尙書左丞允章之弟也後主初嗣位建天華宮
於羅浮山又立雲華閣及甘露蓋亭命有章爲之記
辭采宏贍雅稱作者十國春秋

袁朗勤學好屬文初在陳爲祕書郎嘗製千字詩當時
以爲盛作後主聞而召入禁中使爲月賦朗染翰立成
後主曰此賦謝希逸不能獨美於前矣又使爲芝草嘉

全唐文紀事卷五十五

亢

蓮二頌深見優賞歸朝爲給事中卒有文集十卷

冊府元龜

趙卿幾字亞之鄆州項城人也少好學能屬文作禹別

九州賦凡萬餘言周顯德初舉進士爲校書郎

東都事畧

陳致雍莆田人也博洽善文辭憲章典故尤所諳練仕

景宗爲太常卿入南唐以通禮及第除祕書監未幾致

仕還家陳洪進辟掌書記撰進安海物異名記及閩王

列傳

一作閩王事述

五禮儀鑑諸書好事者復編其議禮諸論

爲曲臺奏議二十卷

雍海物異名記云蓋餘之產郭璞未詳張華不載臨海記稱聖賦古

今述以及諸家集在此卷

十國春秋

終

全唐文紀事卷五十六

原任翰林院編修 國史館纂修 實錄館提調 武英殿協修陳鴻纂

警敏

武德初河南道大使管國公任瓌將上表論事仁軌見
其起草因爲改定數字瓌甚異之

舊唐書劉仁軌傳

岑文本字景仁父之象隋末爲邯鄲令嘗被人所訟理
不得申文本性沈敏有姿儀博考經史多所貫綜美譚
論善屬文時年十四詣司隸稱冤辭情慨切召對明辯
衆頗異之試令作蓮花賦下筆便成屬意甚佳合臺莫

全唐文紀事卷五十六

一

不歎賞其父冤雪由是知名

唐書岑文本傳

鴻瑊

謹案此事與裴敬彝同新書孝友傳云裴敬彝

絳州聞喜人七歲能文章父智周補臨黃令爲下所

訟敬彝年十四詣巡察使唐臨直枉臨奇之試命作

賦賦工父罪已釋表敬彝於朝補陳王府典籤惜賦

題不傳故附於此

文本才名旣著李靖復稱薦之擢拜中書舍人漸蒙親

顧初武德中詔詰及軍國大事文皆出於顏師古至是

文本所草詔詰或衆務繁湊卽命書僮六七人隨口並

寫須臾悉成亦殆盡其妙

唐書岑文本傳

太宗大破遼賊於駐蹕山敬宗立於馬前受旨草詔書

詞采甚麗深見嗟賞

唐書許敬宗傳

太宗專任征伐檄書露布多出於收言辭敏速還同宿

構馬上卽成曾無點竄

唐書薛收傳

元齡在秦府十餘年常典管記每軍書表奏駐馬立成

文約理贍初無藁草高祖嘗謂侍臣曰此人深識機宜

足堪委任每爲我兒陳事必會人心千里之外猶對面

語耳

舊唐書房元齡傳

全唐文紀事

卷五十六

二

陳叔達字子聰與記室溫大雅同堂機密軍書赦令及

禪代文誥多叔達所爲

舊唐書列傳

再遷中書舍人專掌機密於時軍國多務凡有制誥皆

成其手師古達於政理冊奏之工時無及者

唐書顏師古傳

嗣真直宏文館與學士劉獻臣徐昭皆少有名號三少

高宗東封還詔贈孔子太師命有司爲祝司文郎中雷

少穎文不稱旨更命嗣真成不淹頃帝覽稱旨詔加兩

階

新唐書李嗣真傳

時壽春王成器衡陽王成義等五王初出閣同日授冊

有司撰儀注忘載冊文及百寮在列方知闕禮宰相相

顧失色勃立召書吏五人各令執筆口占分寫一時俱

畢詞理典贍人皆歎服

唐書王勃傳

君諱秀東海剡人也年十五爲崇文生應舉考功員外

郎沈佺期再試東堂壁畫賦公援翰立成沈公駭異之

遂擢高第初君上計濟南展羣祖之墓松檟森然嶽嶽

莫紀留居論議時日以成先德之不忘翳是舉也

上柱國徐

府君顏魯公集碑銘

補雍王府參軍府中文翰皆出於承慶辭藻之美擅於

全唐文紀事

卷五十六

三

一時承慶屬文迅捷雖軍國大事下筆輒成未嘗起草

神龍初坐附推張易之弟昌宗失實配流嶺表時易之

等旣伏誅承慶去巾解帶而待罪時欲草赦書衆議以

爲無如承慶者乃召承慶爲之承慶神色不撓援筆而

成辭甚典美當時咸歎服之

唐書韋承慶傳

上嘗登凌烟閣見左壁顏絳文字殘缺每行僅有三五

字命錄之以問宰臣宰臣遠受宣無以對卽令召又至

對曰此聖歷中侍臣圖贊臣皆記憶卽於御前口誦以

補其缺不失一字

唐書蔣乂傳

九歲能屬辭與里人李嶠俱以文翰顯裴居道爲左金吾衛將軍倩味道作章攬筆而具閑微清密當時盛傳

新唐書蘇味道傳

應下筆成章舉授濮州司倉五遷夏官郎中時契丹寇

陷河北數州兵機填委元崇剖析若流皆有條貫則天

甚奇之唐書姚崇傳

蘇頲年五歲裴談過其父頲方在乃試誦庾信枯樹賦

將及終篇避談字因易其韻曰昔年移樹依依漢陰今

看搖落悽悽江潯樹猶如此人何以任談駭歎久之知

全唐文紀事卷五十六

四

其他日必主文章也朝野僉載

元宗平內難書詔填委獨頲在太極後閣口所占授功

狀百緒輕重無所差書吏白曰可公徐之不然手腕脫

矣中書令李嶠曰舍人思若湧泉吾所不及新唐書蘇頲傳

泌既至帝方與燕國公張說觀奕因使說試其能說請

賦方圓動靜泌逡巡曰願聞其畧說因曰方若棋局圓

若棋子動若棋生靜若棋死泌卽答曰方若行義圓若

用智動若騁材靜若得意說因賀帝得奇童唐書李泌傳

開元中李翰林應詔草白蓮花開序及宮詞十首時方

大醉中貴人以冷水沃之稍醒白於御前索筆一揮文不加點言

天寶中漢州一作漢中州雒縣尉張陟一作陟應一藝自舉曰

試萬言須中書考試陟令善書者三十人各合操紙執

筆向席環庭而坐俱占題目身自循一作巡席依題口授

言訖卽過周而復始至午後詩筆俱成得七千餘字仍

請滿萬數宰相曰七千可爲多矣何須一作必須萬具以狀

聞勅賜縑帛拜太公廟丞直廣文館時號爲張萬言封氏

聞見記

全唐文紀事卷五十六

五

天寶中商洛隱者任昇之貽右補闕鄭欽悅書曰昇之

五代祖仕梁爲太常初任南陽王帳下於鍾山懸岸圯

曠之中得古銘不言姓氏小篆文云云足下學乃生知

前賢不及近古未聞願探其旨要著之遺簡以成先志

深所望焉數日欽悅卽復書曰使至忽辱簡翰屬在途

路無所披求據鞍運思頗有所得發曠者未知誰氏之

子卜宅者實爲絕代之賢藏往知來有若指掌契終論

始不差錙銖也文多不錄李吉甫曰欽悅精思通元蓋僧一

行所不逮方昇之貽書欽悅適授駕於長樂驛得銘而